

# SYAIR SEMENANJUNG

(5)

(Oleh Ahmad Hussein)

245. Pendapatan yang baharu membuka  
pandangan,  
Mengerakkan orang melayang  
fikiran,  
Orang yang bersemangat berangan-angan,  
Peluang terbuka tiada  
sekatan.

246. Nakhoda Portugis Vasco da Gama,  
Nakhoda yang bijak memerkosakan  
keadaan,  
Jalan ke selatan sudah  
terbuka,  
Ke Hindi dituju tempat  
perniagaan.

247. Banyaklah saudagar berniaga  
di Hindi,  
Membeli rempah mengangkut dagangan,  
Urusan dagangan da Gama  
perhati,  
Peluangnya banyak mendapat  
keuntungan.

248. Sungguhpun Portugis  
berpeluang berniaga,  
Peluang itu terpaksa  
direbut,  
Di Lautan Hindi terpaksa  
berlaga,  
Kedatangan Portugis  
tidak disambut.

249. Berkurun-kurun lamanya sudah,  
Dagangan di kelola umat  
Muhammad,  
Dagangan di angan tidak  
diserah,  
Jalan dagangan semua  
disekat.

250. Baliklah da Gama ke negeri  
Portugal,  
Kapalnya sarat dengan muatan,  
Dagangan yang dibawa harganya  
mahal,  
Rempah dan kain jadi  
rebutan.

251. Negeri Portugal yang kuat  
di laut,  
Jalan ke Timur sudah  
dibuka,  
Perniagaan Hindi hendak  
direbut,  
Hatinya berazam di Timur  
berniaga.

252. Raja Portugal yang sedang  
bertakhta,  
Perniagaan Hindi hendak  
dikelola,  
Lalu dilantik Panglima  
De Al Meida,  
Belayar ke Hindi memegang  
kuasa.

253. Panglima de Al Meida yang berani  
dan cekal,  
Ke Lautan Hindi melayarkan  
kapal,  
Melancarkan serangan pandai  
dan handal,  
Lautan Hindi dapat  
dikawal.

254. Berkuasalah Portugal  
di Lautan Hindi,  
Kapal musuh tidaklah ngeri,  
Kapalnya belayar ke sana  
ke mari,  
Bebaslah ia tidak terperi.

255. Berzaman-zaman Selat Melaka,  
Dilalui kapal dagang  
santri,  
Zaman baharu pula terbuka,  
Kapal Portugal datang ke mari.
256. Kota Melaka pusat  
berniaga,  
Banyak saudagar Hindu  
dan China,  
Kapal Portugal sampai  
ke sana,  
Hairanlah orang tidak  
terkira.
257. Orang Portugal orang  
Eropah,  
Rupa tubuhnya bukanlah  
Asia,  
Naik ke darat melihat kota,  
Dikerumun orang lalu  
diperiksa.
258. Itulah kali mula pertama,  
Kapal Eropah sampai ke mari,  
Kapal dagangan perang bersama,  
Rempah dan kuasa sama  
dicari.
259. Kapal dagangan negeri  
Portugal,  
Kapal perang kuasa Eropah,  
Sampai ke Melaka hajatnya gagal,  
Belayar kembali tangannya hampa.
260. Sekalipun gagal kapal  
pertama,  
Kapal Portugal kuasa  
Eropah,  
Tetapi, kuasa itu sudahlah  
menjelma,  
Di Alam Melayu menunjukkan  
muka.
261. Muka Eropah yang ganjil  
dan baharu,  
Muka yang kerap jadi biasa,  
Mengubahkan keadaan di alam  
Melayu,  
Mempengaruhi sejarah benua  
Asia.
262. Selang dua tahun kapal  
Portugal,  
Menaikkan layar balik  
ke negeri,  
Datanglah pula pasukan  
yang kebal,  
Berlabuh di Melaka menyediakan  
diri.
263. Pasukan Portugal yang  
datang itu,  
Bukanlah kecil seperti  
dahulu,  
Kota Melaka hendak  
dipalu,  
De Albuquerque yang gagah  
jadi penghulu.
264. Alfonso de Albuquerque  
panglima yang besar,  
Panglima yang kuat setia  
dan taat,  
Berhajat mengelola negeri  
dan pasar,  
Membina empayar bersama sesaat.
265. Kelasi Portugal yang  
datang dahulu,  
Beberapa orang tertinggal  
di Melaka,  
Dua tahun sudahlah  
lalu,  
Menjadi tawanan bernasib  
celaka.
266. Orang Portugal yang  
terkurung di Melaka,  
Duduk terkurung tidaklah  
rela,  
Alfonso de Albuquerque  
tidaklah suka,  
Nasib tawanan hendak  
dibela.
267. Albuquerque berikhtiar  
merundingkan perkara,  
Meminta tawanan dilepaskan  
belaka,  
Rundingan yang sulit  
jadi kecewa,

mulalah Albuquerque  
menyerang Melaka.

268. Berperanglah Portugis  
dengan Melaka,  
Perjuangannya keras sudah  
disangka,  
Banyaklah juga yang terbunuh  
dan luka,  
Banyaklah juga yang  
menunjukkan baka.

269. Kota Melaka banyaklah dagang,  
Kepada Portugis jadi  
idaman,  
Mengambil kota bukanlah  
senang,  
Bukanlah buah di dalam taman.

270. Tetapi, dukalah kita  
terpaksa menyebut,  
Dalam perjuangan yang kelam-  
kabut,  
Kota Melaka dapat direbut,  
Oleh Portugis yang tidak  
disambut.

271. Orang Melayu yang  
mempertahankan kota,  
Biasa berperang setiap  
masa,  
Melawan musuh sangatlah  
suka,

keberanian Melayu tak boleh  
dicela.

272. Soldadu Portugis yang  
masuk berjuang,  
Orang Eropah yang pandai  
berperang,  
Megggunakan senjata yang  
payah ditentang,  
Pertahanan Melaka terbang  
melayang,

273. Jatuhlah Melaka negeri yang  
makmur,  
Pusat berniaga tenggara  
Asia,  
Zaman yang gemilang habislah  
umur,  
Kerajaan yang megah habislah  
usia.

274. Dapatlah Portugis mengambil  
Melaka,  
Mulalah ia menjalankan  
kuasa,  
Rempah Melayu semua  
dikelola,  
Untunglah Portugal,  
Lisbon pun kaya.

275. Mulalah bertapak kuasa  
Eropah,  
Di kota Melaka alam Melayu,  
Permulaan pengaruh yang kelak

menimpa,  
Jauh ke Timur habis disapu.

276. Berkaitan dengan riwayat ini,  
Dalam pasukan Panglima  
Albuquerque,  
Ada seorang nakhoda yang berani,  
Namanya Magellan, nakhoda sejati.

277. Panglima Albuquerque yang  
besar cita,  
Punca rempah hendak dijaga,  
Kapal dihantar pergi memerkosakan,  
Antara yang pergi Magellan  
bersama.

278. Inilah nakhoda yang kemudian  
hari,  
Pergi ke Sepanyol membawa diri,  
Melayarkan kapal pintar dan  
berani,  
Sampai dunia dapat dikelilingi.

279. Sementara Portugal  
sibuk di Timur,  
Jalan dagangan habis dikelola,  
Sepanyol pula tidaklah  
mundur,  
Jalan di Barat hendak dibuka.

280. Tetapi, di sebelah Barat  
jalan terhalang,  
Oleh benua yang besar dan panjang,

Kelasi Sepanyol di jalan tergalang,	Pelayarannya itu tidaklah rugi.	285. Belanda, Perancis, British pun juga,
Orang di benua lalu diserang.	283. Tetapi, nasib Magellan sudahlah begitu,	Kepada perniagaan terlalu dahaga,
181 Magellan yang pandai melayarkan kapal, Kapalnya sampai ke Amerika Selatan. Melalui selat terlalulah handal,	Maut yang menanti tidak disangka, Dalam perjuangan yang terjadi di situ, Terbunuhlah Magellan, nakhoda ternama.	Jalan ke Timur Portugis menjaga, Sesaklah mereka tidak terhingga.
Terus ke Pasifik tiada sekatan.	284. Portugal dan Sepanyol di Timur dan Barat, Mengembangkan empayar cergas dan hebat, Hindi dan Atlantik dikawal rapat, Orang yang datang semua dihambat.	286. Saratlah kapal Portugis, Sepanyol, Mengangkut khazanah Timur dan Barat, Belanda, British, semuanya <i>masyghul</i> , Melihat dagangan yang payah didapat. (bersambung)
282. Belayarlah ia tidak berhenti, Sampai ke Timur sekali lagi, Kepulauan Melayu yang telah dilawati.		

(sambungan dari muka 9)  
menjawab pertanyaan umum, menyatakan bahawa beliau tidak mahu negara Islam. Beliau mahu negara Pancasila dan beliau menuduh bahawa jika negara Islam, Indonesia akan berpecah-belah dan beliau mengupas terus hal ini sehingga di dalam ucapan beliau di Medan baru-baru ini (dalam minggu yang kedua bulan Disember 1955) beliau telah mendatangkan pertanyaan kepada umat dengan memulai "Adakah kamu mahu negara komunis...kamu mahu negara imperialis...kamu mahu negara India... dan seterusnya kamu mahu negara Islam ... semuanya kerana sudah terjawab "tidak" daripada permulaannya akhirnya negara Islam juga tidak! Habis yang dikehendakinya "Negara Pancasila" ciptaan P. N. I. - parti yang didirikannya pada tahun 1929 dahulu.

Sifatnya sebagai presiden tidaklah boleh menyalahi sesuatu parti tapi segala perbuatannya adalah

sebaliknya. Tatkala kedudukan jemaah menteri Ali - Arifin terugat (jemaah menteri P. N. I. yang disokong oleh komunis) maka Presiden Sukarno mengadakan satu ucapan di Palembang bahawa beliau ada mempunyai dokumen-dokumen yang menyatakan usaha-usaha sebahagian pemimpin yang berniat merobohkan jemaah menteri itu menerima wang suap daripada Imperialis. Sebahagian besar pemimpin-pemimpin terutamanya pemimpin-pemimpin yang berdiri di pihak pembangkang berasa tersinggung dan menuntut supaya Presiden menerangkan siapa-siapa orangnya yang telah menerima wang suap kerana yang demikian itu sebenarnya pengkhianat kepada negara.

Akhirnya dapat diketahui bahawa dokumen itu palsu dan di antara nama-nama yang terbabit dengan penerimaan wang suap itu termasuk Mr. Yusof Wibosono salah seorang kuat Masyumi. Kesan daripada ucapan itu sudah terang bahawa langkah-langkah yang dijalankan oleh Presiden bukannya membawa persatuan sebab apabila